

# مستشرقان

۱۳۲۶

مطبعه و محل اداره :

جفال اوغلنده امنیت  
سندوخی حوارینده  
شنگول یقوشنده  
۲۰ نومرو

اظہار :

مسلمکمزہ ووافق آثار  
جدیدہ مع المنونیه  
قبول اولنور

درج ایلمہین آثار اعادہ اولتماز

دیر ، فلسفہ ، علوم ، حقوق ، ادبیات تاریخ ، سیاسیات و بالخاصہ احوال و شئون اسلامیہ در بحث ایمر و ہفتہ درہ پر نشر اولنور .

صاحب و مؤسسری :

ابوالعلا زین العابدین - ح . اشرف ادیب  
تاریخ تأسیسی

۱۰ تموز ۳۲۴

آبونہ بدلی

سنہ لکی	التی آیلنی	غروش
۶۵	۳۵	۳۰
۶۰	۳۰	۲۰
۱۷	۹	۱۰

در سعادتدہ نسخہ سی ۵۰ پارہ در

قیرلہ دن مقوا بورو ایله کوندریلیرسہ سنوی

۲۰ غروش فضلہ آلنیر

آلتیحی جلد

۱۰ رجب الفرد ۱۳۲۹ پنجشنبه ۲۳ حزیران ۱۳۲۷

عدد : ۱۴۸

ضابطانك حال سفر بریده بولندیره جقاری اشیای خصوصیه

تعلیماتنامہ سی

لوازم عسکریه حالہ نظامنامہ سی

مأذونیت نظامنامہ سی

ارکان حربیہ وظائفی مخطرہ سی

التنجی بدنحی اردولرہ کیده جک ضابطان حقندہ نظامنامہ

بذاتہ الحركہ سلاحرہ دائر تعلیمات

آلایلر وسائرہ ایچون صحیہ نظامنامہ سی

ارکان حربیہ مکتبک خدمت داخلیہ سنہ دائر نظامنامہ ، ارکان

حربیہ مکتبک تدریسات پروغرامی ، غیر مسلملر حقندہ مقررات ،

طویحی تجربہ قومیسونی ، سواری قومیسونی ، استحکام قومیسونی

نظامنامہ لری

مکاتب عسکریه ده معلمین وسائرہ ایچون مقررات ، فلامه ایله

مخبرہ تعلیمنامہ سی

سونکی ایله مبارزه تعلیمنامہ سی ، مبعوث انتخاب اولان ضابطان

حقندہ مقررات

عسکری قواعد قانوننامہ سی

ژاندارمه نظامنامہ سی ، کوچک ضابطان مکتب لری و کوچک

ضابطان ابتدائی مکتب لری ، پیاده انداخت مکتبی ، صحرا

طویحی انداخت مکتبی نظامنامہ لری ، احتیاط افرادینک تعلیم لری

ایچون پروغرام ، سیار استحکام طابور لری ایچون تعلیمنامہ ،

استحکام قطعائی ایچون تجهیزات تعریفنامہ سی ، چنتہ و بہ تون

ایشلرینه دائر تعلیمات ، پروژکتور نظامنامہ سی ، محاربہ ده تلفون ارتبا-

طی ایچون نظامنامہ و تجهیزات نظامنامہ سی

صراط مستقیم . — محترم جنرال حضر تلی بوندن صکرہ کی

قسمده عثمانلی جریده عسکریه سنک او هفته کی مندرجاتی تقدیراً ذکر

ایدیور و جریده عسکریه نک بویله متعدد ضابطانک اقتدار قلمیہ سی

محصولی اولان منتخب و مفید مقالات عسکریه ایله کسب قیمت ایتیش

اولسیده عثمانلی اردوسنک ترقیاته بر دلیل دیگر اولدینگی کوستریبور.

## عالم اسلامیتده سعی و عمل

یاخود

نثبت شخصی

انسانلر اشکالات بنیویہ لرینک ایجاباتندن اوله رق خلقه بلائی احتیاج

ایله مصاب برماهیته یارادیش اولدقلرندن ناشی بو مرضی کشف

وتقدیره مساعد برسویه ادراک وعرفانه واصل اولورا اولماز تداویسیله

تخفیف الامی چاره سنک تحریسنه قالمشملری کندیلرنجه برامر،

برامر ضروریدر . بودرد طبیعتک سعی و عملدن باشقه بر درمانی

ارلمدیقتی ده آلامش اولدقلری جهتله سعی و عمل عالم حیاتک

مابه القوامی عد ایدلسه بچادر .

فلکلرله پنجه لشمک اقداری کندیسنده کورمک درجه سنده

یوکسلمک ایستیان طبایع مستبدہ بشریہ بی امرینه محکوم وزبون وبر

نان باره معیشتک تأمین ایچون انسانلری اسیر مشاق کونا کون ایتیش

اولان احتیاج : افراد بشری برهیت اجتماعیه حالنده یشامغه مجبور

ایتیش و بوجبوریتک نتیجه سی اعتباریله سینہ ارضده مدفون ومدخر

بولنان میلیونلرجه خزان طبیعتک کشنی سایه سنده بو کونکی شکل دلفریب

عالم وجوده کلشدر .

احتیاجک زاده طبیعتی اولان سعی و عملک فوائدی حقندہ اگرچه

ادیان متقدمه احکامنده دخی بعض نصایحی متضمن اخطارات موجود

ایسه ده بولزوم عقاینک احکام قطعیه شرعیه ودینیه شکنسه افراغ

وتحویلی شرفی دخی حمد اولسون فضائل سائرہ مدنیه کی ینه عالم

اسلامیته نصیب اولمشدر .

دنیا ده هر بر شیک سعی و عمل نتیجه سی اولمق اوزره حصولک

اوامر مقدسه الہیہ دن اولدیغنه ( وهزی الک تجذع النخله تساقط

علیک رطبا جیا ) خطاب ربانیسیله بزى خبردار ایدن قرآن عظیم الشاندر

ثمره نخلک کندی کندیسه سقوطی قدرت الہیہ یه نظرأ هیچ مثابه-

سنده بولوندیغی جهتله بو خطاب عزتدن مقصد حقایق مبعوله

سعی و عملی افهام بیورمقدن باشقه نه اوله بیایر ؟

شیخ اکبر محی الدین ابن العربی حضر تلی بو آیت کریمه نک

تفسیرنده خرما آغاجی دالک تحریکی اعمال فیکرک لزومنه واسقاط

رطب دخی ثمرات نافیه معارف و حقائقک اقتطافنه اشارت اولدیغی

بیان بیورملری بو آیت جلیله نک ظاهرأ و باطنأ تضمن ایلدیکی حکم

عالیه بی برقات ده ایشاح ایلمشدر .

معلوم اولدیغی اوزره سمادت دنیویه نک رکن مهمی ثروتدر .

ثروتک اسباب جمعی ایسه سعی و عملدن عبارتدر : سعی و عملک فوائد

عظیمیه بی تأمین ایده بیلیمی ایسه کره ارضک هر طرفنده اجرای سیاحتله

هریراء صنایع و تجارتندن استفاده ایتک طریق و اصولک تدقیق

وتبعنه وابسته اولوب ( فامشوا فی منا کها وکلوا من رزقه والیه الذشور )

نظم جلیلی بو حقیقتی بزه صورت قطعیه ده افهام ایتیش ایکن واسفاکه بو

حکمت مبعوله اسلامییه بو کون انزیا ده اوروپالیلرک دستور حرکتی

اولمشدر .

( فاذا قضیت الصلوة فانتشروا فی الارض وابتغوا من فضل الله )

آیت کریمه سنی خازن : ( ای اذا فرغ من صلوة الجمعة فانتشروا فی الارض

للتجارة والتصرف فی حوائجکم ) عباره سیله تفسیر بیورمشدر .

دیمک اولیورکه نماز زمانلرینک ماعداسنی اجرای تجارتله حوائج

ذاتیه سنک تسویه سنه حصر ایتک اراده الہی اقتضاسندندر .

( وجعلنا النهار معاشا ) آیت کریمه سی ده ذاتاً بو حقیقتی مؤیددر .

چه حاجت سعی و عملک وجوبی ده اقطعی بر صورتده امر ایتیش

اولان ( وان لیس للانسان الاماسی ) آیت کریمه سنده کی سعی کله سی

عمل ایله تفسیر بیورمشدر . عمل ایسه مقاصد دنیویه و اخروییه نک

تسهیل و حصولنه خدمت ایده بیله جک هر نوع حرکتله شاملدر .

( احرث لدنياك كانك تعيش ابدآ ) قانون حكمت مشـ حونك واضع بولان حضرت فخر عالم صلى الله تعالى عليه وسلم افندم من حضرت تلى بر صباح بعض اصحاب كزبن حضراتى دخى معيت رسالتنا هيلرنده بولندقارى حاله غايت دينج وقوى البنيه بر كنجك كمال حرص و تهالكه ايش ايله مشغول اولدقارنى مشاهده بيورمش واو صردهده اصحابدن بر ذات : ( اكر بو كنجج سرمايه شبانى بويله امور دنيويه بدل اللهك يولنه صرف ايتمش اولسيدي حقنده ده خيرو اولوردى ) سوزيله كنجك نوع مشغوليتنى تقبيح ايتمش ايسدهده حضرت بيغمبر ( زنهار بويله سويلميكز ! بو كنجك مساعى واقعهسى ايستر ناسدن استغنا مقصدينه ايسترسه ضعفادن اولان ابونى ايله ايله اولاد وعيالك تامين معيشتارى فكرينه مبنى بولنسون هرايكى صورتله حق يولنه مصر و قدر . ) كلام حكمت اتساميله او ذاتى ارشاد بيورمشلردر .

افكار و آمال عمران پرورانهده اثر جليله سمعدت دليل جناب بيغمبرى به اقتدا ايتمش اولان فاروق اعظم حضرت تلى ( ايجنده موتك بكا ملاقى اوله جنى هيچ بر وطن كنندم ايجون بيع وشرا ايله ايجنده مشغول بولنديغم ارامكاهدن ده سويلي دكار . ) معناسنده اولان و خلاسهسى چارشو و بازار محلنده تمى موده بولنق مسورتيله سى و عملى تقديس بيورملرندن عبارت بولان ( مامن موطن ياتينى الموت فيه احب الى من موطن اتسوق فيه لاهلى و ابيع واشترى ) سوزى محفوظ صحايف توارينجدر .

حكيمات اسلاميه نك دنياده انتشارينه خدمت ايتمكه ايكنجى عصر هجرينك اعظم خلفاى اسلاميه سندن معدود بولنان مامون عباسى اهالى يى حكام و اصحاب صنايع و تجار و زراع اولق اوزره درت صنفه تقسيم ايتمش و بو درت صنفك خارجنده بولنان افراد اهالى يى حياتارى صنوف مذكوره افرادينك سباح و اعاشه ليله مقيد عياللى حكمنده عد ايلمشدر حكامدن مقصد ارباب حل و عقيددر . بو صنفك ده اجراى عدالت و تامين آسايشله تنظيم امور مملكه نقطه لرندن صنوف ثلثه نك دوام و ترقيسنه اولان درجه خدمت و تاثيرى محتاج عرض و ايضاح اولميان حقايقنددر و الحاصل سى و عملك فضائلى برر برر ايضاح و بيسانه كيريشمك شمسك ذرات شعاعيه سنى تعداده قالمشوق قينندن اوله جنى ايجون بوبابدهكى مقصد عاجزانه مك خلاصه سنى [ ومن طاب الملا من غير كد اضاع المعرفى طلب الحال ] بيته حصر ايله ختم مقال ايلرم .

حيدرى زاده

« تصوف »

ابراهيم

« حكمت » مجله محترمه سى محرر حكيمى شهبندرزاده حلمى بك افندى حضرت تلى

مجله محترمه لرينك صوك نسخه سندهكى التفات على حكيمانه لرينه بنده لرينى هويتم حقنده تردهده دوشوردى . استحقاقك هزاران كره فوقنده اولان بو توجه تحريرانه لرندن طولاي عرض شكران عظيم ايلرم افندم .

فريد

### مناسبتسز بر تياترو

و

واشينغتون سفيرمرك تشبثاتى

« يكي عصر » غزته سنده او قونمشدر :

آمريكانك سن چارليس شهرندن غزته مزه متعدد امضالره و ع حزينان تاريخى ايله يازيليور :

« آمريكانك سن چارليس موزورى شهرنده وقوعه كلن مناسبتسز بروقه ايله غيور سفيرمى ضياپاشانك تشبثات انسانيتكارانه ووظيفه سنا سانه سنى انظار عموميه عثمانيه به عرض ايلمكى بروظيفه وجدانيه تلقى ايدىورز :

بولندن بر قاج كون مقدم شهر يوزه كلوب اجراى لعيات ايدن بر ارمنى تياترو قومپانيه سى تياتروده اذان محمدى و نماز اسلامى بك چركين بر صورتده تقيد ايلمش و اسلاميتى تحقير ايتمش اولديغندن اوراده حاضر بولنان اون اسلام دين مابين اسلامه قارشو وقوع بولان يوتجاوزى پروتستو ايتدك . حكومه وقوع بولان مراجعتمرك تاثيرى كورلمد يكنندن در حال واشينغتون سفيرى ضياپاشايه مسئله يى تلغرافله عرض ايلدك .

پاشاى مشاراليه همان امريكا خارجيه نظارتنده تشبثات لازمهده بولنمش و بزه تلغرافله دين مابين اسلامه وقوع بولان تجاوزلى منع ايله جكنى تامين ايتمشدر .

ايرتسى كچه پوليسار تياتروده اسلاميتك تحقيرينه مساعده ايمه مشلردر .

سفير غيورمى ضياپاشانك تشبثات سريعه لرينك نتيجه سى اوله رق وقوعه كلن بوليسك مداخله سى بزه اليوم حكومت عثمانيه نك خارجهده اشغال ايتديكى موقع محترمى ابراز و اثبات ايله جك الكبيوك دليلدر .

زمان استبداده بو كجى احوال نالايقه قارشوسنده بچاره اهل اسلام داغدار تأسف اولورلر ايسدهده آوازه اشكارلرينى رفع ايله مزلردى ولو كه رفع ايله جك اولورلر سه اسماع ايله جك بر مرشح بوله مازلردى .

له الحمد سايه مشروطيتده اسلاميت و عثمانليغه وقوعه كله جك تحقيرلرك معنى قابل اولديغنى بو كونكى مثال ايله بك كوزل اكلايورز .

تركياده مشروطيت اداره نك تأسسى آمريكانك انجبرى كوشه لرنده امرا حيات ايدن عثمانليره ، اسلاملره بيله بر نعمت عظمى اولمشدر .

سفير مشاراليه تشبثات انسانيتكارانه ووظيفه شناسانه لرندن طولاي سن چارليس شهرنده مقيم اسلاملر نانه تشكرات بى نهايه مزى عرض ايدر ويشاسون مشروطيت ديهرك ختم مقال ايدرز .